




乙巳
丙午

虞牧公詩集
敦



歲時公餘詩

丙午

乙巳除夕

歲盡方知曆欲更。稽天巨浸夢猶驚。沉泥稻黍深于井。拍戶波濤悍似兵。伏臘也仍看斗轉。征徭休復問春耕。西風凍雨侵衰鬢。約畧春光到曉生。

立春

又見春風赴候來。靡蕪應漸長荒苔。官途暫以年終罷。梅萼仍從臈盡開。預禱農家粗有獲。相期星象更無災。晨興喜看天光

霽濡筆閨將五字裁。

元日次放齋兄韻

元旦欣交昨日春，
飛符又見一筆新。
歲君變換看逢兩，
日馭安排笑得辛。
隣園蔬經雲美，
姪分困粟隔年陳。
老來樂事天公予，
幽賞高談好叙倫。

人日典放齋小酌

連辰風撼早梅枝，
茅屋三重捲不支。
落托少斟人日酒，
寂寥孰寄草堂詩。
白頭兄正垂垂出，
黑口孫方謔浪時。
欲待南塘冰漸

解輕舟漫向好山移。

八日典嚴魚門小集突先齋中

大地看交八日春，
天光晴昊喜經旬。
招延鳥語啼芳樹，
催促梅花放令辰。
奏帝靈符皆有驗，
挑燈情話倍相親。
迷離夜色憑誰望，
私祝農家播穀勻。

十三日入城值雨

經旬卧病掩柴門，
偶泛扁舟出水濱。
多向禪林談去住，
少逢朋輩叙寒溫。
催科吏逐春燈亂，
覓渡人隨暮雨喧。
歲：今宵欣值

霽歸看寒月接波痕

瞿威吉八十

數傳相近德星居喜祝長年小阜如鴻鵠待風移溟渤蘭蓀得
雨遶寔除康強欲廢扶衰杖矍鑠應來拜老卓不見周王師尚
父耄齡方釣渭濱魚

其二

又喜稱觴慶八旬廿年三祝錦堂春知名有子哀歌咏繞膝多
孫候咲嘖雨過梵經鐺也六棋局露精神香山往事本今全

盛補得松陽滿十人

其三

酒奪仙漿醖泛霞菓拋巨核束如瓜詩書競起孫枝秀門閥偏
增祖德華心境安閑同水月世情更變芥泥沙勸君多種桃李
樹贏得看開歲花

其四

數世流傳孝友門君真盛德齒尤尊昨陽欲續高年譜洛下同
沁化日恩鶴伴長生饒歲月完從難老長兒孫凭軒坐挹承湖

秀南極光常照水村。

蘓于九四十

廿載華堂識瑞芝。喜逢強仕是前期。許公手筆登朝日。坡老聲名拜殿時。靜向深更尋韻句。閒從長日鬪圍棋。春醅香試浮蒲節。朶榴花照酒卮。誕日端午

春夜與蘓于九陳玉立瞿隣鳧集奕先姪留桂軒

郭外林塘咫尺間。雨餘人叩竹扉開。村南初為尋梅去。舍北先經聽鳥還。一局枯棋留鬪。不昔酒解愁顏。軒留叢桂堪招

隱秉燭遊來當小山

代將大生公壽瞿威翁八十

承湖南望郭門東。春雨初收瑞日融。逸徑蘭蓀枝葉長。綠庭鸞鷺羽毛豐。一杯酒盡燈前量。百局棋饒飯後功。洛下耆英神正旺。祝君八十比高嵩。

鳥試新聲杏放紅。八旬稱慶好春中。高山方仰光如黛。華月初看影似弓。百局棋開神不老。三杯酒引類如童。渭濱絲餌誰能續。矍鑠如君事正同。

江上何令公榮擢小儀

浙東英秀誕名賢○百里吳疆福曜偏○久著官評膺帝簡○初承國命應星躔○縣中花許春曹於堂上○棊移粉署傳叨庇隣封多戴德碩沾雨露遍江天

正月晦日仍慶堂小飲

布席留賓瀉酒澄○月光盡處尚張燈○華堂坐賞將開杏○小權來衝乍○渙水控地偏○憐尋丈鷄干雲○有待香冥鵬○廿年二仲追隨後世誼于今正可仍

二月四日雨兒起

歸作

五日天光入仲春○乍驚曆序過三旬○青燈笑子窮○無濟白髮憐妻老○漸真種種栽榆當近課○量晴較雨得閒身○遙傳吳地梅花盛○董閣銅坑婁水濱

隣鳧齋中借曇谷話舊

峻喜堂開十載前○良朋相聚騁詩箋○滄桑早說當年變○陵谷尤驚晚歲遷○白首僧稀歸古寺○烏衣門半踏荒田○喜談八十隣翁鬢蕙長蘭滋啟壽筵

六日雨中放齋先却過

踰日難逢幾日晴、新年贏得雨多情、催梅朵、舒春淺、潤柳枝、
枝蘸水輕、北麓禪閑堪曳杖、西城仙閣好聽鶯、才稀強健如君、
少著履來看細草生。

放先別去獨酌作

孤向燈檠把酒罇、雨餘得火喜微溫、兒供網底魚、三寸隣、
頭菜一根、天上陰晴多未卜、春來寒暖共誰論、閨窓剩有新詩、
句寂寞從閑、兩華門。

望夕典陳玉立詩

風雨經旬撼檻前、月光此夕竹窓偏、乍驚春色過當半、又看梅、
花放已全、詩句詠來精似玉、臘醅嘗去冽于泉、君家且穩希夷、
夢、翫、天、將、醉、几、年。

其二

數年棊劍寄空廬、共是梅花落砌餘、咲我情懷枯柳似、憐君鬢、
鬢、晚、霜、如、不堪、少飲、中山酒、敢稱、多繡、玉、洞、書、明、日、社、公、應、降、
雨、三、盃、好、把、耳、聾、除。

立夏日

清和天氣曉應來。急雨狂風若為催。魯望田教依舊種。東陵瓜
許斬新栽。一鉤月傍薔薇吐。數隊蜂攢芍藥開。但說湖灣銷夏
好。擬從胥浦避塵埃。

送春

不多佳景倩誰留。片、殘花逐水流。好友離筵秦苑外。美人祖
帳越江頭。燕驚節序尋巢急。麥趁清和透穗柔。忍看明朝榆柳
綠。閉門追叙一春遊。

其二

三春有幾快遨遊。忽漫春光到盡頭。縱有詩篇消晝永。可無酒
醪散眉愁。鶯聲漸老暗花落。柳絮偏狂逐水浮。天正困人從穩
睡。情騰不省強淹留。

李居一六十

登臺南極燦星躔。喜值龍門列壽筵。多釀酒留嘉客飲。自成詩
付韻人傳。東郊善潏秋來菓。北麓常聽雨後泉。又羨蘭蓀庭際
滿。手評書續萬餘編。

其二

花甲初週進玉醪，更逢瑤閣賜水桃。
撫松傑閣吟偏穩，弄鶴長林飲欲豪。
霽月看當開笑口，微霜欣未上顛毛。
如何影入西窓裡，十里虞山百丈高。

贈僧木和尚值四十誕

廬山未斷寶蓮香，再坐祇園說法場。
調鳥頻伽來異域，種花優鉢出殊方。
六時淡泊安禪衆，半偈圓通護國王。
赤日清涼生梵宇，高松喜蔭百尋長。

八月十六既望日 三 建集奕先庭中寄陳玉立

延坐空庭候月來，酒痕浮處綠于苔。
團圓昨夜雲為鎖，皎潔今宵霧盡開。
正喜陌頭禾漸熟，且欣軒外桂多栽。
當筵但說陳同甫彩筆，還有照上台。

瞿大隣鳧寄詩一首次韻

何處名山萬疊深，留君踪跡到如今。
衣裳染就松杉影，詩賦題殘鐘磬音。
別後茅齋消夏暑，病餘麥飯度春陰。
傳書特有高秋雁，寫出風霜十載心。

來鶴和龔雲沅

襟為窓痛竹為扉。海外仙禽住不飛。素羽露凝同皜皜。朱冠日
暎正依。緱山未解。君何去。華表誰呼子復歸。知為空庭彈射
少。相將朝夕共忘机。

其二

翩然庭際倦飛翔。下地非閑恋稻梁。舞向窓前舒白羽。宿從苔
畔飲玄裳。九臯声响原非短。萬里心情正自長。應為五人嫺相
鶴華亭無復念家鄉。

次韻和隱湖仙。集中陳確菴毛潛在錢梅仙瞿有仲家

漁笛當簷緝艾蕭。年來差幸少煩徭。草深晴陌堪驅犢。飯罷閒

林好飼猫。臨水時。終艇釣。近山日。刈薪燒。汙菜又喜新耕

熟。連獲前村十畝苗。

農家苦

農家苦

荒畦雨後長管蕭。致畝難蠲歲。徭庭有枯枝。喧暮雀。晝無餘
飯喂雛猫。三時朋舊如水冷。八月官租似火燒。漫祝來年書大

有相看。壠上刈良苗。

追和南陔師九日詩

浮生此日又重陽。陌有新禾粒有香。十載蒿萊衫壑闕。一村烟

火尚淒涼。糕題山上盃罇酒。突先招登帽落風。前滿鬢霜裘馬

秣陵人快意。此時新與子石城。高處幾翱翔。

浮生此日又重陽。雨。風。伴病鄉。難遇白衣人。送酒易逢索

賦吏當場愁。隣更卜桑榆宅。看子还耽翰墨香。卧想登高最佳

處。西城樓閣尚湖光。

小重陽日次。高韻寄蘓于九

天南又見雁隨陽。盡菊初開桂亦香。一別風光堪記憶。相逢詩

句好商量。今朝落帽重嘲客。往事題糕再舉觴。為念頻年田舍

苦。憑軒千頃看雲黃。

十七借顧僧虔放齋兄村行晴和竟日。次早風雨綿連。幸

無沾濕。賦呈二公。

而湖秋問渡晴日共輕舟。夜泊星堪數。晨興雨欲流。竹聲紛北

浦。雁影落前洲。故洲苔紋綠。未增三徑幽。

其二

霽雨渾難定。秋雲積透天。今朝看潤礎。昨日汎晴川。勸酒蘆花
裡。論棋柿葉前。一溪湖水淨。何日更移船。

蔣謂公秋闈高捷

名場弱冠早題橋。博學焚膏遠永宵。闕闕聲華連郡國。文章光
焰動雲霄。秋原躍馬勤歸省。春苑啼鶯候入朝。此去萬言書好
奏。睿容親覩筆如潮。

三世冠裳聚德星。天池萬生奮修翎。燕臺騰躍欣傳榜。雁序追
陪愧執經。早惠蒼生。六初烈新承。紫誥慰先靈。即看移孝為
忠日。故友高歌穩釣江。

放齋兄贈菊數種

種花籬下看多年。每到霜晨朵。妍。靈鶴空中翻翠羽。美人樓
畔整金鈿。陶公五柳常憔悴。魯望三閭又播遷。尚祝來秋沾雨
露。重開菊徑墾芝田。

除夕

又錢流光似踐更。雪花梅萼止相爭。河水踏到年終渙。麩酒看

交臘後清且教兒童爐活火少停庚癸吏呼聲
詰朝早候條風至仍向隣人勸力耕

乙巳年正月廿五日

書畫同人

乙巳

甲辰除夕

五十韶華駒隙過桃符神亦恐相訶
硯田數載棄微祿儒服三年去重疴
兒女累看人未少公私通較昔偏多
衰顏欲對梅花笑且引壺觴借一酌

元日

臘意消殘十二晨荒村梅柳不禁春
風微欲引枝頭鳥日暖堪邀陌上人
爆竹聲中除歲日椒花味裡紀年新
天星從此弭災

後先卜豐登慰比鄰

小歲
物三日

領畧春光半月天。柳條爭欲鑽晴煙。兒童放爆嬉新歲。父老焚香祝有年。鳥韻漸增樹。甚好梅花偏。聞小窓。妬杜門。不省街衢。開目數歸鴻。度水田。

五十八日

又逢人日一天晴。岸柳微黃鳥乍鳴。隣叟參差排。鄧酒。村童漸試風箏。願將歡笑。酒氣侵。後谷。托。香。龜。兆。太平。尤喜七旬筋力。

健相從。簷際開棋枰。謂伯兄也

頌督漕澹翁盧公

東南三載靖江濤。岳簡卿材轉運勞。四郡已忘農務苦。千軍

咸戴福星高。唐家陝川資修貢。漢代關中藉輓漕。來日朝天

看錫賞。待公東渭建旌旄。

其二

借鎮江南鎖鑰長。民雲集荷休祥。水清萬谷門。問靜。日霽。千林草木香。淮北波紋流德澤。中吳地角載恩光。尤瞻山斗才名。

盛多士欣趨北海室

其三

冠立文章耀鳳麟。德星幾載貴江津。恩波欲沛三吳雨。風度堪
欽四座春。蒿目千艘充上國。焦心萬斛裕龍民。他時便殿迴清
問。尚借江東善策陳。

穀日

村家此日初占穀。靜夜昂頭候列星。聞說晴和成歲稔。欣看南
陌柳舒青。

代友壽人六十

久瞻眉宇紫于芝。甲子初週鬢未絲。筵上蟠桃來玉洞。尊中金
醴出瑤池。律回虞嶺祥風集。斗轉琴溪化日遲。賢嗣佇看登祖
席。當庭蘭樹正芳時。

初九日

連旬村塢喜春晴。竹立俄聽作雨聲。欲放蘭蓀沾草濕。故催桃
李着枝輕。登山未理新年履。閉閣閒排舊日枰。正展兔園夫子
冊。佇看嫩柳坐黃鶯。

初十日

疎雨停來見碧空
粉松梅正弄春風
典儻小集烹茶位
茗共友清談剪早菘
世路山川休論險
人情軒轅敢云同
閉門剩有詩千首
排日鶯花到舍東

十三日隣息瞿六放齋兄同飲限韻

春暄欣共引壺觴
且掛東畦早韭嘗
一酌尚尋陶令宅
三間敢擬■放翁堂
烹將枯茗爐烟細
吟就新詩研墨香
境僻不知城市熱
宵來燈火漏還長

十四日曉起見露得蔣大生公寄書

兩旬栗烈已無風
村落晴光獻歲同
魚欲浮波欣晝暖
柳將拂岸喜冰融
關心但願秋禾稔
動目何知落日紅
昨夜燈棚誰最好
朝來夜友寄詩筒

訪愿中瞿翁

阡陌相連徑未蕪
常從梅白訪林逋
墻頭草綠閒堪画
屋角山青靜可圖
結字也宜僧作友
應門仍有橘為奴
昏多助敲棋興
莫問西巖日已曛

重刊公集卷六

生公誕日正值立春玉鉉雪屋孝先有贈次韻

丰轉青皇樂事同、
君誕日試春風、
漸舒岸柳寧無力、
催放園梅正有功、
尚齒相看成老、
初延^未敢效翁、
玉堂田有南飛調、
重候金蓮蠟炬紅。

又

代曹石函

誕辰坡老兩相同、
真右眉山父子風、
孝友松生應借力、
文章嶽降好居功、
方剛爭擬三白客、
未老先期百歲翁、
更值懸弧春乍轉、
海東旭日面天紅。

奕先姪修華嚴經會于廣濟庵

香氣細縷梵宇開、
六時鐘磬斷飛埃、
經聲定處風敲竹、
禪課清時月上梅、
宣示徃時供妙法、
消除新歲獻酬杯、
清涼即在人間世、
猶見廬山淨社來。

十七日散步山城

彌月春光未到山、
踏雪今日始躋攀、
花開晴日偏加好、
人入新年且得閒、
帝子臺、
聞鳥弄、
達觀亭、
上看雲、
還洪城、
燈市吾無分、
欲向禪扉一叩關。

二十夜敦彛至家社小飲

一堂三代社相仍，正康強是壽徵。
蘭茁為沾微濕雨，梅殘行
逐盡消冰錦城。弛禁先無火村落，迎神尚有燈酒罷。且占風色
穩，欲看此夜月東升。

其二

草堂晴日照三旬，社集相邀福酒新。
敗鼓且教喧小廟，殘燈尚
許祝明神。文章數載宮牆隔，笑語深更骨肉親。
欲探杏花村塢裡，來朝應踏北郊塵。

蟄後五日即事

三旬春後好韶華，新苔墻低杏有葩。
苦境衰年常中酒，佳時僻
塢也看花。官糧漸覺頻年重，俗尚還憎旧日奢。
檢曆將來邀燕子，早懸簷下荻簾斜。

二十六日即事

尤、消除剩薄寒，柳條徐放隴梅殘。
風微側耳招鶯語，天霽昂
頭望鶴盤。足病休頰山徑好，身閒差覺草堂寬。
仙家伴侶知誰是，贏得春光盡日看。

再頌督漕盧公

全吳人士戴恩光，郡謳思惠澤長。
卸駐虞山，信美車停棊水，尤香冰霜悚息千。
官橐波浪安恬萬斛糧，指日鹽梅需傳說。吳羨調典，聖明營。

三載軍民被德同，更與多士拂春風。
千山好挾搗文筆，四瀆能銘轉運功。
禹服梯航通海表，漢家粟米藉關中。
來時既溫詔親褒賞，佇坐黃扉便殿崇。

二十七日即事

霽日陰雲頃刻間，應催桃李破芳顏。
林鶯欲選新條坐，海燕將尋祖壘還。
酒肉斷來堪療病，藝文拋却足消閒。
不知光福梅千樹，看罷如何落滿山。

蘇大干九示梅遊詩

契濶風光紀客秋，春來梅塢合淹留。
昔時足徧惟元墓，今日神飛又董樓。
是友可無佳句贈，宜妻應有好詩酬。
坡公躡著梅花集，尚欠銅坑此一遊。

正月晦日次朱元常元日韻

花香鳥語盡芳辰，
建今朝尚在寅。
嫩柳欣沾初過雨，
天桃欲逗未深春。
敢學王通隱環堵，
誰憐原憲貧。
但有北郊堪散步，
幾時一訪竹扉新。

再次前韻

綠楊紅杏幾靈辰，
簡歷猶然是建寅。
秉燭尋花休廢夜，
持螯聽鳥況當春。
門無生客堪稱僻，
架有殘書未信貧。
獨羨桃源衣帶近，
雨餘澗上煮泉新。

席上呈居一李翁

經年相念夢中芳，
共嘆清霜滿鬢毛。
行徑踈狂全似阮，
襟懷歷落渾如陶。
欣君子壯眠俱穩，
見我孫長飲亦豪。
欲訂朱陳他日誼，
深更燈火手頻挑。

放齋兄去聞姪同步東舍陸氏完

乙夜濛濛細雨零，
曉看沾濕麥畦青。
因過舍北聽松館，
更訪溪南學稼享世榮。
生涯難測天心杳，
莫瞻星殘梅屋角。
猶堪賞半酒歸來，
莫教醒。

松韻學稼俱陸羽明先生齋名

槐綠堂曉聞百舌

小窓獨寐紙初明。歌枕先聽反舌鳴。僧寺翻更同百口。女牆變
換足千聲。休猜似剪穿簾燕。豈學如簧坐柳鶯。但恐年來增繳
近敢誇人典物無爭。

二月初一日

彈指韶光又仲春。杏花開遍柳絲新。自來風日皆堪愛。此去鶯
花正可親。窗外兒童行架候。山頭士女出遊辰。昇平節序猶能
記。嘆息兵荒歲已頻。

初二書事

誰傳警信到空齋。睡眼朦朧好屢揩。孰使烽烟來遠塞。豈容戎
馬過長淮。消沉士氣馮兵氣。激發詩懷仗酒懷。春日方妍花正
媚。料無得失到吾儕。

初三

尚有行春興未慵。况當朝夕渚霞紅。聽鶯先許遊吾谷。踏石何
辭上錦峯。社日燕來飛弗定。春分花放影偏濃。不然高坐門長
閉。辜負山光一萬重。

春分愿中斋

山色晨興是雨微。曦輪轉眼又東升。推詳日馭知無補。揣測星躔愧未能。花滿池塘尋釣侶。徑通園圃遇棋僧。春光條忽看過半。相顧蕭々白髮增。

再用前韻

星芒日角豈無徵。每看西沉竝曉升。天象端詳司曆在。靈臺推步保章能。茅堂羨住談棋叟。竹戶欣逢曳杖僧。更值春分春漸好。青山遊屐損頭增。

初八即事

土俗相傳誕帝辰。祠山初貌肅明禋。雨師海外邀佳客。風伯天邊款上賓。燕幙可隨陵谷改。花烟還逐歲時新。昇平景物繁華節。肯與重回世界春。

初九即事

村扉一半好春過。分後陰風凍雨多。國課追來勤似瘡。被綿消去薄。手羅頽年病肺全。須藥荒歲裁詩敢放歌。又喜星垣氛祲沒。邊隅早卜靖干戈。

初十雨窓得英字

漁樵相問幾村家。春半依然草木花。雨。林。頭。欺。鳥。雀。賦。雲。山。
脚。護。龍。池。視。苔。梅。瓣。供。煎。酒。注。甕。天。泉。給。煮。茶。勝。事。不。須。求。富。
貴。好。將。衰。落。傲。繁。華。

再用前韻

是日丁祭

陰雲決日鎖村家。消沮蒿啼阻節花。不。信。山。終。容。巨。虎。翻。疑。天。
欲。縱。長。蛇。豈。宜。寒。士。分。公。肉。却。稱。閑。僧。點。客。茶。十。載。青。雲。休。作。
夢。鏡。奩。頻。看。鬢。毛。華。

三前韻

雨餘適檢漢史

秦時豈識有仙家。漢世桃源隱萬花。漫。比。中。原。爭。得。鹿。早。傳。白。
帝。化。為。蛇。雲。濃。苦。濕。全。宜。酒。雨。足。留。泉。盡。可。茶。來。日。西。山。堪。汎。
棹。夢。回。頻。憶。旧。年。華。

十一日

雨過雲開見太虛。紅。桃。綠。柳。徧。村。墟。室。空。未。設。佳。賓。榻。地。僻。才。
成。隱。士。廬。雀。下。閒。亦。爭。剩。粒。蠹。穿。敝。篋。戀。殘。書。來。朝。知。是。花。生。
日。欲。即。荒。庭。一。掃。除。

其二

雨○闌○日○霽○未○相○期○恰○共○空○齋○病○骨○宜○風○暖○當○窓○便○煮○藥○花○香○下
榻○強○伸○眉○葺○垣○護○竹○將○娛○老○乞○米○傳○餐○且○課○兒○聞○說○仙○源○仍○可
問○春○山○何○處○採○青○芝○

花朝

依牧齋初學集用花朝二字排韻

五○更○曙○影○透○窓○紗○早○揭○簾○櫳○觀○絳○霞○繞○縣○紅○英○均○可○羨○緞○牆○青
草○亦○堪○誇○濃○妝○似○女○翻○多○思○咲○口○如○人○更○不○諱○中○土○何○來○安○石
種○祝○延○先○到○海○榴○花○

再用前韻

萬○點○看○來○薄○似○紗○開○時○氣○色○燦○于○霞○絲○岸○柳○皆○堪○喜○樹○不○山
桃○盡○可○誇○漁○父○網○投○溪○鯉○開○村○竟○綠○繫○紙○蒼○諱○須○知○此○日○春○無
限○領○袖○偏○推○若○木○花○

其二

靈○辰○開○霽○興○偏○饒○却○喜○風○微○雨○亦○消○鶴○鶴○盤○空○如○可○呼○鶯○鶯○逐
暖○不○須○招○三○盃○酒○欲○酌○桃○萼○一○辦○香○堪○祝○柳○條○五○十○餘○齡○人○已
老○擬○尋○樂○事○在○今○朝○

再用前韻

昇平佳節酒盃饒。閑歷兵荒興味消。燕作故人如共語。鶯為好客若相招。溪桃映日紅千朵。堤柳眠風綠萬條。上巳清明雖偏近。須先屈指數花朝。

壽人六十

晴日溪桃樹。芳高門信覺。綴春光。田園匝宅成肥美。子姓充庭學。善良自有老隣。延里社何煩。長吏到公堂。初週花甲。齊稱壽。欲祝青松百丈長。

十五日

節近清明好。踏春催花風。雨到三巡却。愁拂水干尋。暗漫擬西城萬朵。新月避遊。觀燕寶鏡。日勞推步。歛金輪。豈無士女饒。清興短。屐輕撓。自結隣。

其二

花開鶯喚。覺春深。風雨初。白準到。今若有鬼神呼。雨暗豈因桃李。愛天陰。宵寒尚怯。營巢燕。晝暝剛餘。報曉禽珍。重來朝。晴日出。會攀紅樹躋高岑。

出會寒食次放齋元花朝韻

暖風絕似暮春天。招引清明又一年。拂岸腰肢攀柳嫩。倚牆顏面看桃鮮。嘉祥未卜群星象。芒砀誰推列宿躔。但使東疇麩麥熟。老農猶有可耕田。

興 清明次愿中見懷詩韻

鶯啼燕舞值清明。雷雨初收日又晴。躍馬關雞豪士興。尋花採藥散人情。却從舍北看君在。每向村西念我生。見說書齋多竹處。新泉烟鎖煮茶聲。

二十日即事次愿中韻

卧聽簷隙雨。即非尚欲晨興。昨日暉伏棧。晚雞還喔。當簾春燕自飛。微詩招隱人情別。載酒登山心事違。水渚鷺鷥拳一足。濕雲橫處羨忘機。

二月晦日和放齋兩年哭孫之作凡得六首

英之玉質擅家珍。兩歲書軒斷咲顰。每見山中蘭蕊茁。春光滿目倍傷神。兄于卯秋亡一孫。辰冬又亡一孫。

其二

三載秋風蕙草枯，兒孫接足下泉途。君家秀穎真難挽，痛惜能
立莫東歸。
余次見亡于卯秋先姪孫數日

其三

連棟年，有哭声偏于佳胤，淚常傾。風霜慣欲摧靈草，年老家
貧更不情。
富秋虞白先兄次子駿，變得年三十二而夭。

其四

我子亡時二十齡，君家二妙繞芳庭。遺文不忍燈前讀，併絕書
聲隔宇聽。
余嘗于所居聞姪孫讀書聲

其五

杜宇聲呼蜀帝稀，重來華表鶴還飛。君詩已作招魂賦，莫道出
明路盡非。
兩姪孫俱痛暴亡，倘其有靈，未必一往弗返。

其六

陳蕃下榻半年餘，棊几猶存讀過書。白髮空流雙血淚，青天可
問路仍紆。
亡姪孫之長者曾負笈于陳子厚家

冒雨放舟山塘

春山日喜晴光，怪底連旬雨意長。松鎖膩雲青欲斷，柳拖濕

霧綠還藏僧鐘故伴鶯啼谷客店空留燕語梁堪嘆十年沉宦
海風霜朽骨返江鄉
邵松如吏粵
樞停春暉園

三月初一

春踰兩月嘆春深鳥語青山花在林雲散長天開乍霽旭升大
海破重陰風光可惜方宜飲節物堪描正好吟聞說西山多士
如畫船簫鼓日相尋

沈氏茂瓜丘

髫年遊跡夢中存北郭綠山有洞門記取桂花開獨早至今蘿

薜刺堪捫

天潭蓮谷

茂林脩竹護烟嵐山鳥喧呼澗水甘誰信滿城如火宅尚留深

谷天潭

結草禪林

離城咫尺即深山野鳥岩雲自往還結草憑誰開院宇禪扉兩

版畫常閑

桃源澗

樹頭雲豁見青天。雨後千崖落澗泉。尚有桃花開徧否。武陵誰
住晉人船。

五月初十日

十日春風尚未過。又逢疎雨點苔莎。詩文亂後吟哦少。子女年
來痛悼多。堪以僻招棋上隱。可將杯酒酒中波。悶餘長短惟憑
夢。剩有黃鸝似擲梭。

其二

榆搖新綠燕成巢。士女留春競出郊。瞻斗西城窳木和朝元。南
麓湖田十畝好。誅茅

十七日

物華三日剩春天。社鼓喧闐又一年。燕語故隨邀客櫂。鶯啼偏
向祝神筵。征徭不省瀕湖稻。歌舞還催比屋錢。尚羨水村秋穀
稔也。教僮僕治秧田。

次日雨後作

春殘小雨足郊原。布穀爭鳴蝶竝翻。植竹不愁侵曲徑。揀薇漸

喜透頽垣漁舟水長沿溪亂社酒人多盡室喧近市歌臺今日
盛若狂士女遍芳村

其二

朝嵐暮雨送春天載酒齋糧抵社錢戴勝桑顛催播穀倉庫柳
外喚歸田神壇競放新幡戟舞榭仍調旧管絃未省勾龍誰主
掌好祈秋稼兆豐年

十九日即事

淹留兩日雨餘春且莫深嗟綠又新燕羽正看翻淑景鶯喉方
欲殫佳辰河干輸輓追求急海上旌旗閱歷頻昨日繁華渾不
目武陵空自說逃秦

立夏三日蘓于九苞九過訪小集留桂軒

嘉會重逢月似鉤每將新句豁双眸解衣溪上追同浴命駕山
顛羨獨遊共以敲棋消雨悶好因把醖散人憂挑燈綴字看庭
訓又占文章第一流

右贈于九

鍵戶窮經謝俗儔金蓮燭世點池頭巾車過我鶯將老尊酒

君○麥○欲○秋○蜀○國○家○聲○翔○鸞○鸞○辟○雍○文○譽○走○驛○留○來○年○此○日○還○燕
邸○上○苑○花○期○爛○漫○遊

右贈苞九

春垂盡借放齋愿中步興福山路經并井訪石夢圓鑑二
和尚

纜繫扁舟傍柳溪村行寂歷聽鶯啼破龍澗底花光褪伏虎橋
邊草色齊遊僊出郊紅日永吟成題石暮雲低不聞春睡誰偏
穩欲問山僧十載棲

兄分菊秧數種

何處園林剖菊秧數莖佳種出尋常
遙憐霜下舒群艷欲看秋深開衆芳
漸次清波加灌溉將來赤日慎遮藏
古稀興會欣仍在相待花開醉百觴

四月五日西山小泛

載酒山塘日正晴綠堤柳線拂舷輕
少登巖際凭欄望十里湖波片月明

其二

○ 麥浪翻飛夏日長、山頭士女尚如狂、就中誰惹山腰雨、衫袖偏沾拂水香。

其三

背石奇觀徑路紆、千松影裡度籃輿、人言仙馭時、到玉琴瑤笙響步虛、

其四

○ 峯巒如畫石如屏、誰種松杉樹、青換醉欲題詩數首、又愁不就惱山靈。

其五

十里湖陂信小舟、山間竟日足淹留、儘容作客連晨夕、莫聽前林喚雨鳩。

其六

踰旬天氣入清和、綠柳黃鶯可奈何、最苦佳辰支病眼、模糊山半曉嵐多。

姪奕先傳語

秦銷開復、創和聯、崇山、金、東、壽、時、不、盡、由、全、吳、人、士、號、淵、藪、四、載、真、成、湯、火、憂、聞、說、興、朝、無、棄、物、又、從、農、

圃起儒流、
已分將身付力耕、
犁雲鋤雨探陰晴、
縱蒙功令重培植、
不礙田間一老生。

星芒示異已頻仍、
震撼宮庭土欲崩、
國論且將伸士氣、
挽回天意渺難憑。

靈臺何日靜、
占妖龍戰玄黃、
尚滿朝聞下九重、
哀痛詔士民、
皮骨已全銷。

已下自用評點。

四月初一日、
延方袍六人、
即家小修齋醮。

朔日晴光滿戶庭、
喜看屋角曉山青、
草堂酌水迎仙馭、
木榻焚香展道經、
欲博秋來豐稔兆、
儼回天上吉祥星、
九重優詔方修省、
宜見堯堦產瑞奠。

初八日、
放舟北郊、
遇雨。

相約佳晨北郭行、
中途早辱雨師迎、
眼迷木末青山色、
心寄枝頭黃鳥聲、
枉聽農耆祈麥熟、
翻疑佛未許天晴、
扁舟仗酒消孤悶、
夢遶祗園竺國城。

其二 東門訪碩大僧度新居

面城常羨昔賢居。此日逢迎徑不紆。已種百年為棟木。暫堆石
卷。救時書。名場又逐南溟燕。仕路應騰北海魚。相對數莖皆白
髮。終慚江上老樵漁。

其三 歸集留桂軒小飲

乍雨應沾屐不乾。中途返櫂水痕寬。樹陰蔽蒂方宜画。山色迷
茫。耐觀室有藏書堪破悶。座無生客可追歡。又思郭外多遊
興。歷歷鶯啼儘未闌。

四月十五日再遊西山

燕語鶯聲刷我遊。相携子姓自為儔。天晴儘放看花眼。山好頻
呼載酒舟。遇友懶從論世事。逢僧欣與問清修。歸途飽領湖田
勝。倒浸諸峰水似油。

二十三日兄放齋生日

佳節黃梅欲雨天。招尋把酒菊苗前。名場茂草存双鬢。劫海狂
風剩一編。聊以彈棋消永晝。好將蒔藥駐長年。祝兄難老惟詩
句。歲歲清和啟壽筵。

次前韻

陰晴相半熟。梅天尊酒歡。呼菊砌前。人老關心無俗事。室虛娛
目有殘編。中山醕。酌須千日。南楚冥靈動百年。苦勸休憎。余不
飲。待君八十啟瓊筵。

竇伯過訪有寄

共喜棲遲邑外郊。溪清徑僻斷喧呶。來逢戶上蛛牽網。坐看梁
間燕補巢。供客已知無市脯。留僧還幸有山肴。浩然轉眼旋成
別。目送閒雲度竹梢。

其二

兵火傷心幾卜居。數椽聊用托樵漁。行蹤已是追彭澤。文字都
成賦子虛。一坐酒間餘嘆息。十年筆底剩欷歔。至今遺卷終難
讀。血淚行行灑父書。

其三

師友淵源自隱湖。閣開汲古勘讎紆。殘書敗壁皆堪惜。斷碣荒
江尚可圖。世態邇來成莫挽。天心如此仗誰呼。為叨宗末頻相
憶。却引珠璣望眼枯。

其四

繡衣家世幼堪仍。十歲能文令譽騰。炯目衣冠田作海。傷懷書劍谷為陵。雲霄許汝青絲上。鬚髮憐予白頃增。最是軒窓通咫尺。每看兩夜有殘燈。

放齋兄出所藏便面數幅以示俱係名筆志喜次韵

夙心安得紙千張。備載名公筆不常。玄宰烟巒皆入妙。白民墨竹總稱良。圖山扇底身堪上。画水綃頭手可湘。垂老家貧遊跡少。昇平文物重神傷。

其二

煨燼先朝書画少。兵興又換幾星霜。囊中有幾丹青手。篋裡無多筆墨光。兄有書樓諸佳扇懷古已悲園墓木仲兄虞白喜購四十而沒敦。藝猶喜剩書堂。閨窓展卷生長嘆。從此林頭得善藏。弗竟其志

程孟陽画扇

長翰山居點水東。松園文集晋人風。祗應便面留洪筆。詩画兼稱摩詰工。

巖天池寫扇

相門鼎貴任清真。太守風流筆有神。我亦笥中儲數字。晴軒競取作家珍。

頤佩吾寫扇

雲海抄書有香佩。吾先輩更多長。扇頭蚊脚還堪愛。戚誼殷

屬渭陽。

余蒙師頤雲海善學趙子昂書法。邑中鉅公爭致之。抄謄今扇面。佩吾所上見廢世舅者。謂外王父也。

李長蘅畫扇

膠水長蘅最善吟。詩篇行世比南金。已收文集兼收畫。未許

中腐蠹侵。

桑寄實伯詩成放齋兄亦賦回首文采煥然再成絕句拾

首併示實伯

翹首長江一井亭。寺鐘隔水送君聽。清晨蘸露題詩句。獨挹西山十里青。

其二

見我吟詩常助興。知兄愛菊典分根。出城二里人無數。若个重開五柳門。

其三

昔年修竹陰成林。近見高梧挺十尋。不但朝陽需鳳集。取材他日作瑤琴。

其四

十年神向隱湖飛。每得新詩寄板扉。聞道故人猶未沒。遺書讀竟鶴還歸。

其五

微雪初晴憶去冬。叩門相訪是吾宗。寄聲定遠兄知道。再渡荒村水一重。

其六

燈宵履步錦城中。子重相看萬燭紅。別後又將裘葛換休教。阮斷飛鴻。

其七

去年鶯語聽將闌。有弟來過列韭盤。近日又聞空谷響。匆分袂不成歡。

其八

客秋經過墓門前。山似圍屏水欲纏。氣正鬱葱松正茂。重恆先業兆綿。

志平其九

合族放齋推作長。七旬捉筆興猶賒。十年再祝康強骨。看種東籬百萬花。

其十

同宗笑汝白眉良。不獨詩壇許擅長。大樹家聲須接續。滹沱河上飭猶香。

挿秧

五更起身催挿秧。穀種浸水苗正長。天上彗星今已隱。但見啟明星有光。隣人三四來助我。須臾田際綠于楊。縣官鞭撻如火熱。四月先徵十月糧。深耕易耨不可待。秧針三日成。稻梁古云五月糶。新穀青苗錢出貸。比屋今世併乏青。苗錢徒苦秋稅征。輸速高聲為籲田。祖神倉箱千萬斯。須熟老農獨向我云。物情世態了無分。此稻才如兒在乳。百日須經三四耘。五月六月非易過。水望晴虹旱望雲。待得中秋抽穰穗。苦雨淒風不可聞。

京師地震天火烈。平溫旨方降。修省文。宋人握苗總無補。催科
官吏徒紛紛。

二十一日喜晴

窪田堪悼水鄉民。晴雨爭看夏甲申。已見曙光升海嶠。直視晚
照映湖津。先農降種常多祐。田祖垂憐自有神。又願三時風日
好。村家閔理釣魚緝。

更有感

空將刀筆抵儲胥。枉讀千條漢相書。不見咸陽秦二世。山東兵

起塢成墟

和放齋喜晴次韻

節近端陽最稱晴。相宜競渡便農耕。開眸葵赤新鋪錦。炫目榴
紅徧染猩。秧綠漸敷同樹暗。水清應落典田平。荒村薄熟人安
堵。何必仙流傲步瀛。

四月晦日即事

瞥眼時光又不同。麥秋終過夏將中。沿溪榆柳濃遮綠。傍屋葵
榴爛作紅。村女儉粒充婦饑。山農合力伴傭工。官司講約非文

具。願再寬恩兆歲豐。

五月一日

彈指黃梅熟後天湖頭競渡又紛然懶吟且保無詩禍善病徒
聞有藥緣鳳閣難期寬大詔龜園理寂寥編東隣麥飯晨興
熟婦子芋話餉田

其二

昏朝常自候星躔測雨占晴五月天夾岸桑榆陰莫出波荷
芰葉田勸農不省官行野索賦多愁吏泊船滿目葵榴無好

緒畫長欲倚北牕眠

五日次放齋兄韻

佳節年五日同看開葵錦典榴紅我悲弱子能文後兄悼亡
繞膝中藝艾好將消赤日佩符聊以薰風槐槍影沒台星
燦歲稔民恬荷化工

六日同放齋兄走訪竇伯相城馬退山隱湖毛華伯俱

卷四集

度阡越陌訪幽人地似桃源許問津百盞名花陶令田一船遺

卷米家新。行來共喜資欣賞。別惜還愁阻。喚翠茶熟香清。天欲暮。留題竹徑神誼偏親。

其二

一衣帶水。暗常艱者。為衙門鎮日閑。乘興緩行。桑陌裡。得綠小。叙柳溪間。重逢老友。如開徑。因訂新交。抵見山忽別。又愁村雨。至歸舟空度暮雲還。

夏至前一日坐雨

萬點山頭雨。頻過綠滿亭。可因滋半夏。故放藥苗青。

五月九日夏至即事

至日旋驚夏欲殘。水鄉頻看水痕乾。秧鋪嫩葉青千陌。雨洗新篁綠萬竿。半轉但教炎火遍。畫長誰借好書看。擬從銷夏灣頭住。應溯菱湖第幾灘。

十三日大雨即事

日逢竹醉掩柴荆。雨底間關聽鳥聲。壁濕盤旋蝸有字。庭荒沾漑草無名。秧針刺水千疇細。山髻連雲十里平。村社縱葦難問渡。焚香一辦寄晶心。

其二

空聞贈縞典班荆。未省林端求友聲。身隱無文難送鬼。交窮有刺少通名。晝昏敞屋烟俱濕。雨急荒津水乍平。酒社吟壇酬應懶。靜中差見古人心。

突先往丹陽

放舟西溯古雲陽。一路山光接水光。吟傍蓮塘堪命酒。行逢柳岸欲追涼。江邊客路波濤靜。海上兵威旆旆揚。為訪金鶯亭畔竹籜龍。爭比旧時長。

其二

鐵甕雄藩拱帝京。江流東逶彈丸城。千金車馬三秦客。十里帆檣八閩兵。遊處臨風忘暑熾。歸時載月趁潮平。東林妙選臨分手。珍重聽琵琶指上聲。
指令塔陸龍尺

其三

好雨舟行處。逢高歌。共岸起村農。友朋誼重程。迂曲兒女情。深酒正濃。新月與來烹慧水。亂雲堆處踏茅峰。十年前事知能記。寸管西翔氣似龍。
甲午秋赴試江闈丙申冬赴淮皆必由之地

其四
秧苗綠徧。槿花紅。十日留連。丹水東去。路我偏愁。甚雨歸檣。君
定喜長風。不妨把酒看新篔。且許吟詩聽老松。載得名泉。須贈。
及煮茶白晝。仰晴空。其歸途取次梁谿。

六月朔日晴次日大雷雨

節隣清暑畫冥。又長光。一葉莫地濕于溝。行未穩。暑長如
歲夢難醒。詛陰頻盼。啣山日。願霽誰禳。好雨星眉際。堆愁無可
解。坐看荒草滿空庭。

壽人七十

世澤湖南得姓長。一門華國擅文章。襟開皓月渾無際。人被和
風自有香。徐引三杯心不競。漸登百歲壽弥昌。古稀誰比君強
健。漫道仙人下岳陽。

蔣登之六十

十里南湖。恒宅春羊。求三徑。結芳隣。心閒善看浮雲變。境僻貪
聽好鳥新。自課兒孫修德。永但逢親戚。話情真。六旬初祝。喬松
壽。仙鶴筵前下幾巡。

端五次日遇人伯華伯又新三詞長于竇伯齋中次韻
渡口先維米氏船南阡人共颺茶烟相將別後遊踪叙早
韻脚傳汲古樓臺知不改退山冠佩儼為仙東家尚理葵榴
賞麥餅頻添愛客賢

次韻蔣登之自壽

慣看乾坤左右旋不知陵谷有推遷
幽閔世業追三徑清白家
風守一壺岸憤花間稱酒聖
擁爐竹裡號茶顛知君願養應多
壽百歲猶存四十年

隣鳧住山數句有詩見懷依韻奉答

往時人羨子筆墨重雞林
詩苑西山爽文瀾北海深
椿陰饒色笑鶯語足
鱗音相去無多地堪消鄙吝心

其二

前因留吉夢末劫剝祇林
漸覺家緣淺方探梵笈深
晨鐘生妙悟夜壑起清音
咫尺華山路空懸千里心

其三

百日愁成別鷓鷯戀故林
琴書依塔靜冠佩入雲深
永晝伊蒲

供清宵瘦竹音。遠公相問答。秋月想禪心。

八月三日又雨。次孫生之三日也。

簷外淒風雨。聲天公不放。一朝晴。窪田碩見禾將熟。暮齒欣
聞孫又生。亂後衣冠雅。患苦眼前門第異。昇平負薪有日。憑家
教。休課詩書且力耕。

舟行尚湖

放舟湖水濶。山色映來青。漁網迷蘆渚。人烟傍鶴汀。波澄饒泛
荇園廢。剩空亭。千載懷垂釣。猶憑尚父靈。

湖橋訪黃生父

記得依山住。有人十年重問武陵津。稻花匝宅秋將半。瓜蔓緣
門雨正勻。窓放秦坡看。奮沸。座延瑞石見。嶙峋。喧呶城市休相
詢。丘壑清閑稱汝真。

路經湖田水高于岸

春秋兩度過湖田。昨日清秋水接天。山舍宛然浮海島。人家儼
矣坐漁船。西城殿閣飛殘雨。南港林臯沒野烟。尚有閣中僧睡
穩。空傳梁武撰經年。

時却報有汰僧之說。龍文上人僑居二樂閣。

舟中望秋水閣

舊日文章踞漢京堪教古崇贊休明鍾譚不數詞人筆王李空
聞才子名仙署十年閣館閣沙堤三日亂筆筌耕山樓突兀臨湖
上桂子還開鳥自鳴下

證度菴訪象游開士時方傳沙汰

闌闌喧譁少繫心麗譙升處得祇林山無半畝遮闌影石有千
年繞殿陰淨侶常供遊士茗閨房多綴韻人吟方愁世法浮雲
變剩有清涼地可尋

○○○牧齋初學集載庚午中秋拜觀睢陽五老圖次杜正獻公

○○○原韻詩一首五老宋仁宗時人至和中秋事杜衍初國

○○○王煥禮部平世長卿農朱貫兵部馮平郎中各有詩錢

○○○明逸序之亦次其韻一首按衍山陰人似浙產也睢陽

○○○睢水可知杜年八十五王年九十畢年九十四朱年

○○○昇平想見古人閨漢世威儀晉代冠地聚五星堪嘯傲山臨睢

○○○水足盤桓勝遊休沐資天爽雅集中秋帶露寒好事千年多寄

○○○托画圖長向句中看新南唐書文籍十二限和南唐書

以素愛一幅索陳南浦寫古文辭一二則時南浦將有澄
江之行
教椽白浪欲衝門
文筆簷前手可捫
莫省饗殮思君落拓多遊眺
念我迤邐重記存
此去春申封邑
日碑開十字蘇苔痕

村行久斷慮中隣
是君衡借渡見訪

咫尺阻芳隣
秋村少問津
蓬萊非在海
灩澦似當春
豈乏濟川楫
堪垂釣水綸
往來休作苦
月色正如銀

舟過湖橋

十年前說湖橋月
素影先從水底浮
一自桑田新改後
石梁寂

寞幾春秋

湖橋望鵠峯

白鵠峰前鼓枻來
湖光十里夕陽開
山松雨後添青色
僧磬猶聽出講臺

經黃石皮橋上通藤谿
是朗仲頌先生讀書處

曾于遺卷企先生
意義深長氣骨清
山自吐雲藤自遶
澗泉流

出讀書聲

其二

漁洛淵源大漢文，朱輪紫綬枉紛。
空林埋得才人筆，公道千
年議謚君。公沒而牧翁議請其謚

其三

生前不愧孝廉名，沒後無官綴銘旌。
君看谿深藤斷處，月光流
動鶴飛鳴。公中萬曆庚子科鄉試

其四

養疴辭累寄林丘，愛看秦坡百丈流。
著作滿床書萬卷，烟霞今
尚鎖松楸。

八月初十日即事

剛風暴雨勢初收，野集家似繫舟六甲。
又看當盡日一年客，易到中秋。
晨興寒欲侵雙鬢，夜坐清堪豁兩眸。
隣叟劇憐臯復後，終宵哀痛徹牆頭。

其二 寄三峰大鑑上人

風雨連旬苦不調，晴輝難得似今朝。
窮鄉飢饉貽農困，上國梯

航遣吏驕赴海水痕愁未減。入秋月魄望偏饒。山僧怖畏聞粗定。丹桂香浮北澗遙。

十一日即事

拂檻澄波浸碧天。欣逢甲子淨無煙。一旬排過秋將半。五日看來月漸圓。奉詔僧謀依舊院。催科官說省災田。絺衣不耐侵宵露。佳節堪憐就枕眠。

即夕用前韻

病眸終喜見青天。晴日初沉散暮煙。未到中秋光覺小。即看今夜影如圓。婵娟不得臨簾屋。慘淡偏憐照水田。縱有幽人長抱悶。難誇此夕自高眠。

余生于萬曆四十三年歲次乙卯明年丙辰則

今上太祖定鼎之歲是為明產無惑也同邑乙卯登甲乙榜者

翁三雲將相知而引為覽揆偕降者程大容平錢二成五陳

三幼藻劉大長河及姪去聞七月晦日遇程大于大石

山房即事

尚齒俱過五十春。相逢石上看嶙峋。支筇漸笑興朝叟。懸矢猶

稱勝國民。邂逅且欣言。笑近經行同。記亂離真。茶香汲得睢陽水。分手難忘後會頻。奕先姪招入茶肆。

○○○

唐文宗太和九年，布衣李潛用撰乙卯記，見牧齋天啟丁卯年詩集時，魏闡用事，牧齋借唐末甘露之變以寓憂思。余生乙卯，讀其詩而得一首。

中朝威福出刑餘，牛李龍拏虎攫如。應舉劉蕡虛對策，憂時杜牧漫修書。逢全盛生華傷衰祚，老住山林鑿後車。九百年來更運數，猶聞當日嘆淪胥。

我里常罹水患，兼者天啟四年順治八年，等被重災，今

康熙皇帝御極之四年，水災不及教寸，而村徑不通，田塍巨浸。

比年更甚，節度韓公疏奏請議。

蜀眼草茅望澤之思，有殷然于賦重役繁之餘者。次王麟

來洲贈王百穀到京韻一首

頻年民命看衰鴻，况又波光蕩遠空。露白尚愁饒苦雨，月明初喜斷妖虹。應聞伴入符光陛，會見蜀祖媿漢宮。鄭俠有圖誰復繪，應愁吳下少良工。

〇〇〇 十二日晴畧見月

双眉每值霽天舒。雲表先呈合鏡如。稀少髮。惟愁。浥露昏花眼。久斷看書排軒翠。岫皆堪画。拍檻澄波正可漁。尤願團圓三五夕。來春燈市不教虛。

十三日晴同村中諸友入城因晤蔣大生公歸有朦朧月

住村初懶出。難却友朋招。桂老香堪把。天高翳欲消。人情同斷雁。月色近良宵。歸路愁深水。塔與伴寂寥。

十四日雨夜喜見月

萬頃茫無際。何須急雨來。潮痕秋更長。嵐氣曉難開。未奉乘槎使。誰登近水臺。明朝欣可待。莫放手中杯。

十五日晴韓退之詩有一年明月今宵多有酒不飲奈月

秋意中分月亦圓。又從雨後見青天。蚌生珠幸逢三五。兔得胎

欣兆百千虎。阜喧闌饒客。擢湖橋寂寞。沙墟烟宵來可飲。愁無

酒慚愧韓公過一年。

酒慚愧韓公過一年

○○○ 賦 月 下 得 詩 一 首

何代蟾蜍上柳梢，晴看秋夕碧天高。
勝遊橋畔堪除疾，小集樓頭足解嘲。
南郡幾修同叔會，中吳猶湧子胥濤。
狂吟不計詩工拙，蘸露臨池綴腐毫。
晏同叔名殊謚元獻有南郡中秋夕與王君玉酌酒待月事見石林詩話

○○○ 其 二

皓月中秋禱祀求，玉盤喜見起林頭。
圍空不省頻年耻，瓶罄真添此夕愁。
客少併無三徑集，水深真作五湖遊。
蕭條吳俗俱非舊，絃管終當沸虎丘。

玉帶得次孫後三朝湯餅之叙，放齋兄稱病不至，善貽詩二首。
善者有美為者美傷已兩年連殞二孫也越數日德兒
林公題改名鼎赴縣公試列名第一似亦可喜因再得一首奉

答 放 齋

花舒金粟長新柯，湯餅筵前酒似波。
蕙畝栽成常患少，玉田種就不閑多。
九旬半送秋光去，一歲旋驚月夕過。
小試冠軍差足喜，暮齡聊與助酣歌。

縣公李璞號玉如辛卯四川舉人占籍京中又號漱留
實川北閬中縣人府隸保寧

頌漱密李邑尊

巴西山水誕英靈。天為虞陽界福星。文聚門牆春入座。訟弭邑
里鶴飛庭。他年事業井仙業。此日聲名綴御屏。雨露栽培桃李
盛。早期弱羽附雲青。

十六日大雨十八夜見月二十日又大雨即事

秋光強半賦雲屯。咫尺人烟隔數村。幾見月痕同展鏡。頻驚雨
勢欲傾盆。早凋樹作蓄中燎未熟禾挤水底捫不信仙家湖上
住。請看白浪正當門。

題唐墅趙振之行略後是庠友趙汝揆之兄

士生末世克修古誼者鮮矣。且力敦孝友。始終一致者抑難矣。
振之趙君身歷坎坷。雖未列于儒林。而其立心行事。嘿符古賢。
豈非求諸千百人中。而不可一二得者耶。聞之仁者必有後。今
令嗣雖在襁褓。而造物有知。必昌厥祚。將啟家聲。而綿世澤。拭
目可俟矣。是歲八月之望。通家弟馮虞牧父拜撰。

輓詩一首

孝友關天性。須看趙祚興。書供弟讀。積德望孫。弟北海歸雲。

鶴南溟起大鵬。來時真有子。餘慶及雲仍。

歲在辛卯洪水為災。余以四月中浣入城。經大東門。緣版

道。下。其蟹。萬計。村中曉聞怪鳥。北有先見者。今年春令

今。頗正仲夏。水勢加長。似捍禦之力可施。及七八月。已浸千

疇。成白田。家百日。庠救之勞。俱廢。嘆息而作是詩。亦令

萬頃禾拋。激澗流。臨波軒檻。似維舟。滔天但聽千家哭。漂舍真

成卒。歲屢辟穀。張良仍可問。泛湖范蠡未相謀。十年再見災氛

至。羨殺浮沈渚上鷗。

○○○ 新雨餘即事三首

秋半應銷五葉。莫仰觀不復。漏天青。平陽未斷為雲女。丰極偏

纏好雨。星燿濕併無。烘甌火。林歌徒有恥。壘鉞室中病婦。薰旬

哭隣叟。清宵也厭聽。良民

○○○ 其二

九秋瞥眼過。秋分繞屋沿。扉是水漬浸。灌山城。渾倒蹋。呼號父

老漫紛紛也。知畢宿惟成。雨不辨。箕星併作雲。此去蓬萊多少

○○○ 路片帆堪溯海濤紋

芙蓉生艷桂飄倚檻江湖浩莫分望裡青山疑作霧夢中綠樹
恐為雲巢居尚是陶唐俗舟繫從無米芾文肯忘去坡公遊赤
壁魚蝦今日與同群

○ ○ ○ 二十九日晚起見月

回思少日際中秋拉友相將上虎丘觸目干戈先滿地傷心貧
老少同舟直浪泛宅隨波轉已分浮家逐海遊雲霧重下仍漏
月曉來一鏡照當頭

○ ○ ○ 廣文沈先生任五載年踰七十肇修尊經閣防海魯公

○ ○ ○ 之力居多秋日登臨即事
沈公汝蘭魯公超

閣影高千尺平臨數仞墻秀鍾渠水上靈萃古虞陽坐挹春風
好來聞桂子香英華南國在文學化源長

○ ○ ○ 次韻答隣鳧量

投分相看共暮年昇平回首指暄妍已知蘭玉君堪賞敢謂箕
裘我有傳避世尚將存白面謀生何事戀青氈姓名粗記無餘
望努力東疇企昔賢

○ 皇朝二十七日晴窓即事

露零寒欲逗微霜。六十秋光過草堂。水底粒堪供鴈鷺。門前草
乏飼牛羊。獨憐飢饉催人老。誰念流亡訴歲荒。連日清明虛照
戶。終冬衣褐未料量。

○ 其二

苦雨連旬亦復晴。桂花飄盡菊含英。官逋便等千金重。士氣終
同片羽輕。巨浸謀身須善泅。衰齡忤俗咲虛生。重陽節近登高
懶。不是他年詩酒情。

○ 二十八日晴

五湖不必問鷓鴣。戶外帆檣任所之。消解憂懷還倩酒。招尋吟
興尚抄詩。西風漸為秋深勁。北斗潛從露重移。何處芙蓉新透
水。應看藻荇綠紛披。

○ 道逢子重因訂竇伯齋中看菊之約

同庚同譜會常慳。若為柴扉鎮日閑。愛子昔年文字貴。憐余今
日鬢毛斑。奔馳波浪渾浮海。飄泊鄉閭好入山。正欲言心旋判
袂。又期菊節遣愁顏。

其二

大樹勲名漢室依，千秋祖烈嘆衰微。
相看皆男子，同作頻年老。布衣震膽兵戈仍，念亂關心兒女正。
啼飢菊花仗有人為主，伯眈望開時一款扉。

其三

十年淺土未心安，漬酒丘壠尚不乾。
松子護成非一樹，竹孫栽就幾千竿。
但題詩福魂仍悸，盡說官逋股肱寒。
莫以家貧兼世亂，花晨月夕重眉攢。

寒露前一日曉起

小雅

時至露先寒，秋光踰大半。
四更啟戶看，列宿中天煥。
虫響繞前除，流螢火欲亂。
一絲月影升，清皎猶堪玩。
虛室無存儲，絺衣涼未換。
病妻骨類柴，弱兒年近冠。
父柩葬難卜，昏眸無遠觀。
敝廬留數間，文史空堆案。
官吏督秋逋，嚴刑凜背汗。
高門簪笏商，獄吏宜岸。
以我伶仃身，憂來腸亦斷。
薄田半不耕，種稻付瀟漫。
七尺農夫長，深涸愁脫腕。
遺禾飼餓鴻，剩粒飽群鶴。
雨澤已滂沱，尚勞多浸灌。
去年甚告災，春地震將換。
卜筮俱非吉，應徵大

水旱商年一足。蹶波勢江河。瀚穹昊。或垂憐。天高不可喚。流離在目前。座死憑誰笑。公稅轟雷霆。僮奴方鼠竄。溝中填餓殍。鬼錄保誰判。有命悲無辰。欲飛寡羽翰。孰將鄭俠圖。一獻君王看。

寒露日晴紀事

曆維乙巳年夏月。露難定秋。潦駭奔騰。雨師迄未寧。此突降自天。斐曜有明證。浸灌百辰來。禾穗頭慘無幾剩。波濤捲萬頃。湖疇巨半載。枯槁瘦人家。懸一磬。隣翁乞火歸。灶底水沾股。揀翅同登高。逝將鼓此興。

書示隣壁

每聽父老話。灾荒漂沒村家。正可傷州郡。那堪遭劫掠。里閭終不免。流亡昔年畦菜誰仍種。東日園桃詎復芳。溫詔漢家湯火後。庶幾蠲賑下朝堂。

青溪邊獨立

書齋闌檻泛陂塘。除却青山盡蕪荒。過客風帆迷浦溆。居隣堵壁限河梁。誰將送酒衣俱白。何處看花菊有黃。浙瀝西風初入坐。不堪愁緒伴寒蟬。

九月初一日

月吉驚看是杪秋。金風料峭雨初收。霜侵閑塞移鴻雁。人住汀洲。狎鷺鷗。即日恩波來北闕。往年農事集西疇。天根辰角層層見。好促家人整敝裘。

賦得滿城風雨近重陽

潘大臨正欲成詠為催租人至敗興相傳此句有因為足之者

剝啄謾將酒債猜。當歌警吏索租來。淒風似鐵微裘具。密雨如絲迸菊開。疾病侵尋愁市藥。郊原荒落怯登臺。當年白就詩難就。黃葉聲中雁唳哀。

初二日

秋天晴處薄雲還。映徹當門水一灣。馬齒俄然踰五袞。羊腸早已歷千山。波濤已許龍宮接。災異仍須鳳詔頒。不信巢居唐俗陋。即今溪樹盡追攀。

舟行田上

三旬轉瞬逼初冬。秋盡荒涼痛老農。廬舍不煩防鼯鼠。溪潭俱欲混蛇龍。越裳定駭東溟湧。蓬島堪期仙子逢。閑說虞山西去好。高堤水面刺芙蓉。

寄錢雲孫

城居心靜亦深山。萬卷娛來自閉關。華閣幾如君抱爽。名場暫似我身閒。蒼生念切蓬茅下。朋友情纏風雨間。促坐尚餘孺子慕。琴聲希處淚痕潛。

得譚一駿先述孫二子長先生見念因寄一首

別夕相憐數月餘。扁舟欲問子雲居。千秋尚剩江南雪。双眼常空冀北車。世路艱難猶念友。村家漂泊好為漁。兩稀潦盡存殘壁。敢乞先生倒薤書。

何三中一讀書方塔僧房

三年杞棘塔前生。乍聽禪林有磬聲。四角丹青搖彩筆。九層光燭映寒檠。文章地上金堪擲。磬望寰中驥早鳴。坐愛塔前千尺樹。秋風午夜韻俱清。

初七日風雨

簾前十日雨聲稀。又見濛濛濕草扉。似助風威吹水涸。欲催霜意着林微。蒼莽萬頃難捫稻。浙瀝千家未授衣。來日登高先有約。好從山頂弄晴輝。

其二

數日秋光晝夜明，來朝登陟有餘情。亦知畢宿心猶切，漫說風
姨氣已平。儘許生徒書館靜，遙猜婚媾御樓晴。聞今上初婚，玉闈
鴻雁南賓晚，應聞江鄉穀未成。

顧大僧度相訪

秋村長斷客，叩戶遠相尋。仕路青雲阻，顛毛白雪侵。昔遊如在
目，時事不關心。見說藤谿復，西歸報好音。藤谿為令祖朗仲先
生讀書處，余嫌殯于

其夢將連僧屋好，寸草

初八日曉起望寶伯書窓，以秋詩稿就正

又逢秋雨帶寒塘，衾薄朝來早得霜。鵲恐巢危將貼水，虫看棟
濕欲辭林。鵲巢當水大之年必低，新詩可愧災黎。粵澤國終悲
浸芳艸。阮氏有咸居較近，一葦堪共濯滄浪。

其二

重陽風雨有先徵，再長溪頭水一層。橋壓已妨詩，帽舟行不
碍釣翁。曾知交少似離鄉，客睡夢清如退院。僧欲丐一言，卷
上謝玄還剪讀書燈。

途遇金水若

漫托詞章木傾心是子詩起居惟路問契闊最神馳宿雨飛無
盡淒風到不期何當晴日上山足採丹芝水若居虞山東麓

婁江陳確庵移居虞城將往訪之先寄

十年湖海客百里丰山心詩賦同雕玉文章比煉金蔚村羅舊

卷佳日著長吟白雪歌常和青瓜徑未尋阮咸追講帳陳寔領

儒林見說人猶古傳聞學匪今驅馳慚附驥登陟恐捫參名刺

懷應漫顛毛雪久侵移居踪不遠命駕興難禁在市身如隱依

城息自深生徒親色嘆子弟聽音蘭譜如相借交情訂盍簪

初九日奕先姪拉步北山小飲澗上

重九佳辰霽影升話當高處興偏增雖逢寶塔今年開剩許青

山此日登小飲澗邊松韻細薄遊川上水痕澄飛源一片逃秦

地羨殺閒掃葉僧

遊維摩寺二初于宋孝宗隆興元年當門存樹五株為虞

山蒿木之冠旧有金粟堂己卯中秋予與先兄素公憇

二晝夜畧領蕩日之勝十年後再經其地今則禪規清

肅一改日觀坐學疏和尚為八則將輯寺志云

古寺維摩西脚邊十年不復覽巒烟鐘聲先出松杉裡樹影還

歌殿閣前似美破山哀日錄衣墓著新編空門深好住焚修

地羸得三竿曉日眠寺中頻年有訟故寓諷止之意

其二

穿好起雲歷岫到招提拂靄干霄五樹舞佛磬聲中聞說偈客茶香

裡具蒸藜頻伽魚亦分厨施優鉢花非染澗泥漫道荒山饒王

氣病僧猶指梵宮西寺僧以旁有六地不知何據

十三夜卧聽簷溜

風侵雨沐小重陽枕簟生寒被透凉竹屋穿憐蝸樣舍粟瓶空

羨鼠餘糧官租翻為年凶迫夜漏偏因睡少長隣姥篝燈渾不

寐好將績紡伴啼蠶

十四日晴

晴來眉目亦飛揚但許西風作主張江海通連將兩月室廬漂

蕩已干場頻年未料三年食昨日猶持九日觴仙島片帆真可

到憑誰乞典活人加

訪嚴武伯

十載詩須子細論。憐余踽、住秋村。新開煥爛文章府。舊企昇

平宰相門。紅豆林泉曾結友。武伯為錢牧停雲家世也。為孫武

乃文湛翁。延賓取友何年事。又喜趨庭似玉溫。令嗣寶臣今與

舟行昆承湖上經七星橋

千頃田塍不療饑。得風帆布去如飛。褪紅蓼梗牽漁網。抽白蘆

花點客衣。濶處波濤鷗亦怯。腐餘菰米蟹應肥。隱湖今日誰招

隱汲古樓中好叩扉

牧翁集送任侍御濬巡按吳中二首其詩曰夏周七浦資

渠車單却三江待討論。夏名原吉。明永樂間尚書。周名

忱。正統間吳中節度。單名諤。宋元祐間。宜吳人。知名。夏

子僑。熙寧間人。皆郡志載。悉三吳水利者。乙巳秋末大

水傷禾。疏治無人感嘆而作是詩

粟幣中吳貢道長。江流不敵海潮狂。諏謀易肇千疇利。疏濬難

弛七郡防。捍患古人空有蹟。救災今日竟無方。赭衣善訴家鄉

苦尚向征驄進數行。時牧翁在詔獄

新令汰僧還俗婁城錢梅仙寄詩二首

方外曾蒙待不臣高聖僧高陛見王恩新師玉林和尚和召至京已聞國
法裁三教更遣緇流列四民佛寺蕭疎俱歷劫經堂寂寞漸堆
塵獨憐竹院空來往乍少桑門勸茗頻

其二

圓頂相將向俗歸白雲行為鎖禪扉香厨尚憶他年飯條服初
更此日衣佛幢嚴阿愁影短齋鐘院落恨聲希如今說法延居
士也有天花似雨飛

百朵黃花列盞盆可娛情繞膝似兒孫白衣好問陶公去送酒人
來或啟門

夏雨秋風妬此花東村北麓不堪誇吾兄偏剩東籬種九月床
頭闢數葩
老來書卷動隨身錢若無神花有神鶴下遙空霞散彩籬邊猶
見晉朝人

浣紗溪上說西施褒國空傳產麗姿贏得霜前開百朵寒齋宿

窈勸■厄

淺紫深紅簇萬重名花粧點到初冬七旬未覺形神老翻為花

開興味濃

數榻不保舊荆扉坐擁花光抵夕暉干頃可憐成巨浸菊殘仍

未理綿衣

平生誰與共談心靜夜撚髭自苦吟年來把菊為好友■花

突抵千金

昔年一品會常修菊節飛觥夜未休子不雅馴偏早歿花前又

送一番秋

督漕使君駐節虞城如宋公杞張公懋勳皆蒙特拔近者

李公來泰盧公紘並好文士今李公實秀■接■任士

民焚香以迎村中傳為盛事廿四日雨餘作

清佳風土懋征鞍祭戟■旗帶雨寒秔稻平疇看巨浸烽煙列

戎報初安董漕暇欲興多士作貢庶堪徹百官下邑疲民愚亦

甚莫停朱憶訴辛酸

訪賓伯不值賓伯來亦不遇

興來各自駕扁舟。但領汀沙一段秋。欲寄數枝瓶底菊。勸教雙鶴叫池頭。

踪跡蕭閒類病僧。愛看山霽與湖澄。已知苔砌留双屐。還問隣人到未曾。

一水渾同百里長。扁舟相訪却相妨。如今好與長年約。不走南塘定北塘。

泣乘輕舫不容刀。半里清溪積水高。來往盡緣蘆荻隱。錯疑巢許近逋逃。

丰酒論文味絕清。客淹高燭主多情。欲迎春月來虛榻。不管笳笳起禁城。若上故人相記憶。江干風好有逢迎。如君樂道真難得。常聽連蕩嘯咏聲。

和奕先別印非次韻

置酒追陪又一年。相看惜別小梅前。曉風漏靜全修道。夜雪霏清坐半禪。笑我槍榆終控地。待君羽翮定摩天。及門劍易依。日猶見一呼學孝先。

十日春除臘底寒。晴光刺促早梅看。天公笑問儒家竈。也有蔬羹薦一盤。

臘日

春暉十日射晨霜。歲盡閒除一草堂。低背土墻招塔影。高凭石磴發湖光。山人棋局僧閑靜。羽客茶鐺淨舍香。種竹栽菊梅村北。叟扶藜鼓櫂莫辭忙。

次前韻咏梅

枝。玉萼飽風霽。春日疎花照草堂。近水故臨冰瀉影。籠烟偏

引月分光。劇憐苔砌衝寒發。最喜心樞在曉香。一片新年光福

地。幾人遊棹渡頭忙。

瞿愿中七十

典君家世序同年。冲台先生與先君同甲子。翁與家兄教齋

四十餘齡烟火連。數世同居五渠余幼為幼小相隨榆樹底。壯

歲居傍村港。衰遲同伴菊花前。近歲翁自知棋局非無分。翁善

庭有榆陰。且吉壺觴漸有綠。近歲少加。北朝青山常在目。翁尊甫

時。展省且休言滄海共桑田。

有廬焉之志

其二

鳩杖無步屨便者英會上看誰先東皇下荷芰迴羅綺生昔年

與翁最北隴松楸匝管絃翁常省真少酌尊壘辭酒戶多烹泉

水號茶仙翁避酒相期舜井茅堪結常撫青松享鶴年

興每愿中茅堂中遇石夢和尚

久托飯依末相逢却自艱清風虛木榻落日剩松關春淺蘭先

長師蕪本山蘭秋深菊可攀師栽菊不几開時詩成誰見我狂

欲伴公還

贈野蒼法師

家聲王謝似手誼佛言經花向空中落龍從座上聽王堂人少

寐般若尸堪扁何日毘陵道茶香出草亭

其二

車馬經過地長將梵典翻庵中人語寂山外鳥聲喧祇樹忘名

相蓬池念弟昆只愁天子近僧倡達重門

師姓馬溧水人昂元章民先生之弟兵丁民登第次年還里即

區虞山訪野蒼師觀其題咏深念孔壻之義且欲携之入都

之餘少當接待今卓錫虞城北門外廢名般若

辛丑除夕

驚心一載是追呼。除夕悠然剩故吾。虛室祇餘焚栢葉。閉門併省換桃符。身名落落拓君平。數生計業疎阮籍途。最有庭梅偏念我好。于窓外伴林逋。

其二

守歲幽居又一年。梅花庭際自鳴然。樵蕨卒歲荒文苑。耕作終秋剩硯田。辟鬼爆灰轟似電。薦先椒醞冽如泉。改元願見祥雲集。揩眼東床候曙天。

壬寅元旦

元年元日爛春光。盥沐焚香祝歲康。天共雲霞開一統。江南霜雪佇三陽。沾濡松葉堯時韭。收拾芋根禹日糧。問睇東湖平似掌。葦間一釣穩滄浪。

其二

瑞雲江南大地春。乾坤到處新。新鳥聲依舊。喧簷外日影從。小雨元朝潤小梅。南枝千朵一齊開。新照水。照臘去。旋呼寒霧去。春來手拉慶雲來。燕京神主傳登極。大酺恩宜闕下迴。

正月初三

春王兩日日當庭無賴東風攬柳青折盡未嘗過別墅疎梅只
自倚空亭衰遲慵輯雕蟲字落薄閒抄相鶴經聞說吳門兵撤
寨好移一棹向支研

放齋從三峰禪院歸遺詩索和次韻

欲升高岫見青天儘採芝苓駐永年行傍林腰題怪石坐依洞
口濯流泉中車弔古詩堪記蘭若談禪得不傳一夜松風穿客
枕下方潭隔劫塵千

人日

人日晴輝遍故林等閒莫廢草堂吟正怯陰魚欲行池淺呼友鶯
將待柳深曳白梅猶堆臘雪放青麥春隣家昔酒清堪
酌相約來宵共捫參

穀日

春風廿日度墻腰染就微黃上柳條村舍占星當此夕田家祈
穀在今朝看花期到難忘杜飲酒詩成但和陶貧老新年無好
緒漫言高隱斷煩囂

新正十日邀李居一尚一穠如陳不厚雨中小飲兄放齋

及子姪九九人

東風吹雨細于絲却稱空齋話故時座少雜賓堪縱酒硯融新

凍好題詩來從城北多君意居一從城別向村東重我思又碩

地行仙足健居一典子厚莫辜頭上照花枝

疊前韻別居一

顛毛相向看如絲婚嫁猶然未畢時先代溇河嘗我飯前身

殿上寫君詩似以居一白亂離並切經念疾病俱深去後思珍重

春光山北好晴至莫負老梅枝

虞牧近作詩與題情閑且石以活飽爭女其

繳白以夜安自如中砂之多新詩不蒼亦要其

早識汝為為知己是時流多能生名項背窺丘

字

十一日南陔師招飲納隣皂同赴

青衫一領已如斯共是尋山問水時老境我先知有限名場君

尚欲何之數莖須白無勞染三酌顏紅一莫辭將徑追陪期永

夕羊求山上早題詞

青衫十三日雨窓即事

滿城佳節燈初試。連夕重陰雨正勻。不得豪家遮繡幙。也妨官市踏香塵。春寒止。恐鶯聲澁。苔濕偏憐草色新。回首去年當久旱。好分涓滴潤江濱。

同隣鳧赴南翁之招不果次日知隣鳧獨往即事一首

霏微雨灑春郊。故促青衫上柳梢。笑口不將開院落。愁眉空復鎖衡茅。夜深談旧添燈火。客滿。絲。噏。散。酒。肴。獨。有。翻。。同。學。

友輕舟先自出村坊

再壽愿翁十二韻

同里經過慣。相忘歲月漆身閑。懷抱雅人老。夢魂恬。姓氏名門。迥。詩。文。早。歲。兼。品。茶。如。陸。羽。種。菊。似。陶。潛。馴。鳥。留。空。砌。閒。花。綴。短。檐。削。藤。為。拄。杖。編。荻。作。垂。簾。翠。竹。娛。風。細。幽。蘭。護。月。纖。心。于。栝。棧。切。坐。為。友。朋。淹。把。酒。何。從。困。臨。財。自。得。廉。高。門。安。寂。。入。市。避。炎。。不。附。人。情。熟。安。知。世。味。甜。古。絲。。初。獻。壽。新。句。好。重。拈。

南鄰村南暗錢二成五

○南塘匝月換寒冰。為訪王孫溯水澄。○窮鄉為祭酒好投淨。○宇作山僧。○菟裘每嘆滄桑。○改馬齒。○同憐老亂。○仍別去。○不愁歸路。○黑夜深把醖。○數挑燈。

二十三日夢中得詩一句老剩篋中書數卷七字覺而成

賦詩文之時愿老赴館後贈以盆蘭却寄

春交兩月殫餘寒。飄落梅花處。○看老剩篋中書數卷。○問存窓外竹。○三竿慵聽反舌。○過庭院樂去。○見倉庫。○刷羽翰。○寄語古稀東舍叟。空○荒齋香透滿盆蘭。

44



2